

大同府志

大同府志卷之

大同府知府吳輔宏纂輯

祥異

周禮既祲掌十輝之法保章辨五雲之物以觀祥氛而訪序事蓋修省警戒之意深矣漢伏勝作五行傳班史而下踵其說附以各代證應其失也鑿夫水旱菽稷不能不見於堯湯之世而鳳凰芝草甘露醴泉亦不盡為治世之符瑞也然大旨歸於責躬補過則福至而沴消卿士師尹宜共凜凜焉左傳杜氏註及通考言之詳矣爰取其義以為祥異志

大同府志

卷之三

祥異

唐虞

堯率舜等遊首山觀河渚有五老飛為流星上入鼻論語

舜詣大茂山將登祀值大雪弗能進而遙祀之俄有石飛

墜帝前遂以安王名北嶽大茂山碑

周

慎靚王時月生齒齧畢大星後漢書李郃傳

趙幽繆王五年代地大動臺屋牆垣大半壞地坼東西百

三十步史記趙世家

漢

高帝七年月暈圍參畢七重天文志

文帝後七年七月火東行行畢陽環畢東北出而西逆行

至昴即南乃東行天文志

元帝初元二年客星見昴分青白色炎長三寸天文志

哀帝建平二年定襄牡馬生駒三足隨羣飲食五志

東漢

光武帝建武七年四月丙寅日有暈抱白虹貫暈在畢八

度五行志十二年七月丁丑月犯昴頭兩星天文志十五年

正月丁未有星孛於昴炎長三丈凡四十九日天文志

明帝永平十四年正月戊子客星出昴六十日天文志十六

一年四月癸未太白犯畢天文志

大同府志 卷之三 祥異

章帝建初元年正月丁巳太白在昴西一尺天文志元和三

年正月北巡以太牢祀北嶽山見黃白氣宋書符瑞志

和帝永光十六年四月戊午客星從紫宮西行至昴天文志

殤帝延平元年五月壬辰恒山崩五行志

安帝永初三年并州大饑人相食安帝紀延光三年二月辛

未太白犯昴五月癸丑太白入畢天文志

順帝永建二年七月丁酉太白犯昴古今注永和六年二月

癸未彗星昏見西北歷昴畢天文志建康元年九月丙午

鴈門地震順帝紀

魏

少帝正始元年四月戊午月犯昴東頭第一星十月庚寅月又犯昴北第四星九年三月彗星見昴長六尺色青白芒西南指晉天文志

晉

武帝咸寧二年六月白龍二見於新興井中武帝紀 五年五月

辛卯鴈門雨雹傷秋稼閏月壬子新興又雨雹五行志

太康元年夏五月鴈門雨雹傷禾麥三豆武帝紀 六年六月

鴈門雨雹十月新興山崩湧水出九年幽州代郡有

犬鼻行地三百餘步五行志

惠帝元康三年填星歲星太白聚於畢昴天文志 四年九月

大同府志 卷之三十五 祥異 三

鴈門新興災風傷稼五行志 五年九月鴈門新興大風傷

禾稼惠帝紀 永寧元年自夏及秋幽并二州旱宋書五行志 八

月戊午熒惑守昴天文志 十月新興青蟲食禾甚者寸傷

五六五行志 太安二年太白入昴永興元年五月客星守

畢二年八月有星孛於昴畢天文志

懷帝永嘉四年五月幽并大蝗食草木牛馬毛皆盡懷帝紀

東晉

元帝太興四年八月常山崩元帝紀 永昌元年十二月幽并

大雨五行志

懷帝太寧元年十二月幽并大雪五行志

成帝咸和六年十一月熒惑守胃昴八年秋七月熒惑入

昴八月月犯昴九年六月八月月又犯昴咸康元年二

月丙戌月入昴己亥太白犯昴十一月月犯昴二年八

月月又犯昴五年四月乙未月犯昴歲星在昴天文志

康帝建元二年正月太白入昴天文志

穆帝永和四年四月太白入昴五年十月月犯昴天文志是

年熒惑犯昴晉書載記六年六月己丑月犯昴七年二月太

白犯昴十年正月己卯月蝕昴星升平元年六月壬子

月犯昴三年八月甲子月犯畢大星五年九月乙酉月

奄畢十月丁未月犯畢大星天文志

大同府志 卷之三十五 祥異 四

孝武帝太元十年四月乙亥太白晝見於畢昴天文志二十

一年有大黃星出於昴畢之分五十餘日冬十一月黃

星又見魏書天文志

北魏

道武帝天興二年七月獲嘉禾於平城縣異莖同穎八月

平城南十里郊嘉禾一莖九穗三年四月有木連理生

於代郡天賜六年三月恒山崩四月震天安殿東序命

左校以衝車攻殿東西兩序屋毀之靈徵志

明元帝永興二年五月己亥月掩昴天文志三年二月代京

民趙溫家有白鼠以獻甲午代京大風北苑獲白鼠一

割之腹中有三子盡白靈徵志六月庚子月犯歲星在畢

天象志是月代京獲白燕十一月丙午代京又大風十二

月雲朔之間獲玉板二以獻四年正月癸卯元會而大

風晦冥乃罷三月上幸西宮獲白鼠一八月御府民張

安獲白鼠一閏月代京又獲白燕靈徵志十月辛亥月掩

天關天象志十一月庚寅代京大風起自西方靈徵志神瑞

元年二月月犯歲於畢天象志四月代京大風二年正月

代京大風靈徵志三月丁巳月入畢四月太白入畢天象志

五月平城獲白鼠三六月平城獲白鼠二靈徵志己巳有

星孛於昴南天象志是年代京民饑北史秦常元年十一月

大同府志

卷之五 祥異

代京民獲白鼠一以獻二年六月代京獲白燕三年三

月代京獲白鼠一靈徵志十月辛巳有大流星出昴歷天

津乃分爲三須臾有聲天象志十一月代京獲白梟又獲

白鼠一五年十二月壬辰湧泉出於平城靈徵志

太武帝始光四年六月甘露降於太學靈徵志神龜元年五

月癸未太白犯天街天象志二年六月甘露降於平城宮

三年二月白鹿見於代郡倒刺山三月有白龍二見於

代京人家井中延和元年六月甲戌代京水溢壞民廬

舍數百家太延元年自三月不雨至六月二年四月甲

申代京暴風宮牆倒斃數十人三年十二月代京大風

申代京暴風宮牆倒斃數十人三年十二月代京大風

揚沙折樹四年三月乙未代京地震太平真君元年二

月代京有黑風竟天廣五丈餘靈徵志三年有星孛於昂

畢之間天象志五年八月華林園諸果盡花六年二月丙

辰白龍見代京井中八年五月北鎮寒雪人畜多凍死

靈徵志十年五月彗星出於昂北天象志

文成帝興安二年七月於苑內獲方寸玉印其文曰子孫

長壽北史太安二年十月白鹿見於代京西苑三年三月

有白狼一見於太平郡靈徵志四年八月熒惑守畢五年

十二月六鎮饑天象志和平二年三月壬辰代京大風晦

冥七月甘露降於代京靈徵志六年有人於靈邱得玉印

大同府志

卷之五 祥異

以獻文曰宋壽北史

孝文帝延興元年十一月鍾律郎長生於代京見長生適

理樹三年五月白雀見於代郡六月代京獲大龜四年

十月乙亥代京地震五年五月代京赤風靈徵志八月乙

亥月掩畢天象志太和元年正月雲中饑北史四月辛酉代

京地震五月代京有雌雞二頭上生冠如角與衆雞異

辛亥有狐魅爲祟出靈徵志內是歲雲中大饑天象志十月代

京南遊越谷見青碧石柱數百枚靈徵志二年夏四月代

京蝗旱北史九月白鳥見於京師三年五月戊午震東廟

象中門屋南鴟尾十月丁卯代京地震四年九月甲子

朔代京大風雨雪三尺靈徵志五年代京大霖雨天象志八

年四月白燕集於代京九年六月司州靈邱雪霜庚戌

靈邱暴風折木靈徵志是年代京及州鎮十三水旱傷稼

北史十年二月甲子代京地震丙寅又震三月壬子又震

靈徵志十有一年二月代郡民饑北史是歲大旱都民饑牛

疫十有二年五月壬寅代京連日大風甲辰尤甚發屋

拔樹六月壬申又大風十有四年七月丁酉朔代京大

風拔樹發屋九月癸丑有雄雉集於太華殿十有六年

十一月乙亥高祖與沙門道登幸侍中省日入六鼓見

一鬼衣黃褶袴當戶欲入時以為人叱之而退惟上與

大同府志 卷之三十五 祥異 七

道登見之十有七年六月代京木連理靈徵志

宣武帝景明元年三月乙巳恒嶽祠火四年十一月丁巳

恒山崩正始元年十一月癸亥恒山崩二年五月壬申

恒州實霜殺稼七月戊戌恒州雪霜靈徵志九月癸未月

在昴十五分蝕十天象志己丑恒州地震四年五月庚戌

恒州地震殷殷有聲十月己巳又震有聲如雷延昌元

年四月庚辰恒州之繁峙桑乾靈邱地震陷裂山崩泉

湧靈徵志二年五月甲寅日有蝕之京師不見恒州以聞

天象志四年八月恒州獻白雀靈徵志

孝明帝熙平二年十一月辛未恒州進馬駒肉尾長一尺

驥處不生毛

靈徵志

出帝永熙元年十一月辛丑有大流星出昴北東南流輾

畢貫參光明照地有聲如雷

天象志

北齊

武成帝河清元年八月甲寅月掩畢

隋書天文志

長城地多生

毛或白或黑長四五寸

隋書五行志

北周

武帝保定二年閏正月癸巳太白入昴天和二年六月甲

子月入畢建德六年七月癸未應州獻芝草

武帝紀 十月

己未庚申月連暈規昴畢五車及參

隋書天文志

大同府志

卷之三

祥異

八

隋

文帝仁壽四年代州總管府內井中甃上生花如蓮并有

龍見時變為鐵馬甲士彎弓上射之象又有神人長數

丈見於城下其跡長四尺五寸

文帝紀

煬帝大業元年鴈門人房回安母年百歲額上生角長二

寸鴈門百姓聞犬多去其主羣聚於野形頓變如狼而

噉噬行人數年而止恒山有牛四脚膝上各生一蹄四

年燕代緣邊諸郡旱五年代郡饑

五行志

唐

高祖武德初雲中雨血三日夜而止七年七月戊寅歲星

犯畢天文志 九年二月壬子有星孛於胃昴高祖紀

太宗貞觀十三年三月乙丑有星孛於畢昴十六年五月

太白犯畢左股二十一年十二月丁丑月食昴天文志

高宗總章元年四月丙辰有彗星見於昴畢之間高宗調紀

露元年鳴鷄羣飛入雲中

中宗神龍二年十一月辛亥月犯昴景龍二年二月丁酉

有星孛於胃昴間天文志

明皇開元十八年六月癸酉有星孛於畢昴舊唐書 天寶十

四載二月熒惑太白鬪於畢昴間至四月乃伏天文志

肅宗乾元三年四月丁巳有彗星色白長四尺東方疾行

大同府志 卷之五 祥異

歷畢昴天文志

代宗大歷十年九月戊申月暈畢昴暈中有黑氣乍合乍

散十二月丙子月出東方上有白氣十餘道如匹練貫

五車及畢天文志

憲宗元和十三年十月甲子月犯昴天文志

穆宗長慶元年二月乙亥太白犯昴天文志 六月有星孛於

昴舊唐書

文宗太和四年八月雲代蔚三州山谷間石化為麩人取

食之舊唐書

僖宗乾符三年雲州無年

昭宗天祐元年二月辛卯太白夕見昴西色赤炎燄如火
壬辰有三角如花而動搖天文志

宋

真宗咸平六年五月辛亥白氣出昴五行志

仁宗景祐四年七月黑氣長丈餘出昴畢下五行志 康定元

年二月辛卯月太白俱犯昴仁宗紀

英宗治平三年三月辛巳孛星晨見於昴如太白長丈有

五尺壬午孛於畢如月英宗紀

遼

穆宗應歷二年九月甲寅朔雲州進嘉禾四莖二穗穆宗紀

大同府志

卷之三 祥異

十一

聖宗統和六年大同霜旱太平二年三月地震雲應二州

屋摧地陷崑白山裂數百步泉湧成流聖宗紀

道宗清寧十年西京大熟咸雍四年西京應州饑太康元

年雲州饑道宗紀

金

太祖天輔六年三月師攻西京有火如斗墜其城中五行志

熙寧皇統二年秋西京大熟五行志

海陵正隆六年九月黃龍見雲中海陵紀

世宗大定二十一年六月戊申西南路招討司苾里海水

之地雨雹三十餘里小者如雞卵其一最大者廣三尺

長丈餘四五日始消五行志

章宗明昌二年五月桓撫等州旱五行志

宣宗貞祐三年秋七月戊寅月入畢宿中戌夜犯畢大星

興定元年八月戊申木星晝見於昴六十有七日乃伏

宣帝紀

元

世祖中統二年秋七月庚辰西京隕霜殺稼十一月庚午

太陰犯昴三年五月甲申西京隕霜至元二年十二月

西京蝗五行志四年五月乙未應州大水六年七月壬戌

西京大雨雹世祖紀十二月渾源縣大水五行志七年西京

大同府志

卷之三祥異

七

饑世祖紀八年四月廣靈縣旱五行志九年夏五月乙酉太

白犯畢距星冬十一月丁卯太陰犯畢十二年秋七月

辛卯太陰犯畢冬十二月戊申太陰又犯畢十五年西

京饑世祖紀十八年秋閏月庚戌太陰犯昴世祖紀十九年

秋八月大同路蝗傷禾稼二十年春二月太陰犯昴庚

子太白犯昴壬寅太白又犯昴冬十月丙申太陰犯昴

二十四年秋九月乙巳太陰犯畢是年西京風雹害稼

世祖紀二十六年夏大同大雨雹二十七年七月大同隕

霜殺禾五行志

成宗元貞二年六月大同雨雹大德三年八月大同雨雹

六年大同路饑成宗紀是年八月大同隕霜殺禾五行志七

年大同饑八年五月白登縣大風雨雹害稼人有死者

八月懷仁縣雨雹隕霜殺禾九年四月己酉大同路地

震有聲如雷壞官民廬舍五千餘間壓死二千餘人懷

仁縣地裂二所湧水盡黑漂出松柏朽木成宗紀六月大

同大雨雹害稼是月嘉禾生應州山陰縣十一月壬子

大同地震十二月丙子又震五行志十年二月大同路暴

風大雪壞民廬舍明日雨沙陰霾馬牛多斃人亦有死

者七月渾源隕霜殺禾成宗紀

武宗至大元年八月己酉大同隕霜殺禾四年六月大同

大同府志

卷之三

祥異

三

路宣寧縣民家產犢而死頗類麒麟車載以獻七月大

同宣寧縣雨雹積五寸苗稼盡隕武宗紀

仁宗皇慶二年大同饑仁宗紀是年八月大同懷仁縣雨雹

嘉禾生渾源州一莖四穗五行志延祐元年六月白登縣

雨雹損稼傷人畜仁宗紀二年五月大同路雷雹害稼五行

志五年九月大同路金城縣大雨雹六年六月庚戌大

同縣雨雹大如雞卵七年五月又雨雹仁宗紀八月大同

路雷風雨雹五行志

英宗至治元年三月己丑大同路麒麟生英宗紀是月大同

路大風走沙土壅沒麥田一百餘頃六月大同路旱五行

行

志 丁卯大同雨雹三年五月大同路旱損麥七月興和

大同路屬縣隕霜英宗紀

泰定帝泰定元年六月大同渾源河水溢漂民廬舍泰定紀

八月大同白登縣雨雹五行志 三年六月大同屬縣大水

秋七月大同渾源河溢泰定紀 四年七月大同應州雨雹

害稼致和元年大同饑五行志

文宗天歷二年大同路饑至順元年七月大同自夏至於

是月不雨文宗紀 閏七月辛卯大同山陰縣隕霜殺稼五行志

志 二年四月大同路屬縣旱不能種告饑三年八月渾

源州隕霜殺禾文宗紀

大同府志 卷之五 祥異

三

順帝至正二年春大同饑人相食渾源州饑順帝紀 十一年

十一月丙辰孛星見於昴宿天文志 十三年十二月大同

路疫死者大半十四年七月壬午太陰犯昴宿十五年

大同路饑順帝紀 十六年大同路秦城鄉嘉禾生一莖二

穗五穗有九穗者有異莖而同穗者五行志 十八年三月

辛丑大同路夜黑氣蔽西方有聲如雷少頃東北方有

雲如火交射空中遍地但見火光憂憂有聲者逾時十

九年八月大同路蝗二十一年八月乙酉大同路北方

夜有赤氣蔽天移時方散順帝紀 二十三年三月壬戌大

同路夜有赤氣互空中侵北斗五行志 二十七年五月辛

已大同隕霜殺麥順帝紀二十八年十一月懷仁縣河崖

崩五行志

明

太祖洪武元年正月庚寅彗星見於昴畢三月辛卯彗星

出昴北天文志五年七月大同蝗五行志九年六月丁亥太

白犯畢十二年三月壬子太白犯昴十五年六月丁亥

填星犯畢九月乙未又犯二十一年八月乙巳赤星如

杯自北斗東南行經昴宿二十二年二月癸卯熒惑行

昴中二十八年六月癸酉太白犯畢天文志

成祖永樂元年六月丙辰太白犯畢二年四月丁酉辰星

大同府志

卷之三祥異

齒

犯畢天文志六年靈邱民李文秀妻宋氏一產三男舊志十

四年大同府饑五行志

仁宗洪熙元年三月乙酉太白犯昴天文志

宣宗宣德五年二月丁酉太白犯昴天文志

英宗正統四年三月戊午代府寢殿火五行志六月戊寅彗

星見畢宿旁長丈餘指西南計五十有五日後乃滅天文志

是年大同饑五年六月壬申至丙子山西行都司連日

雨雹其深尺餘傷稼八年七月辛未大同巡警軍至沙

溝風雷驟至裂膚斷指者二百餘人五行志

景帝景泰元年大同府饑五行志二年六月戊辰朔太白犯

畢天文志是年大同饑五行志三年三月甲午朔有星孛於

畢四年正月庚午熒惑犯昴七年十二月甲寅彗星見

於畢長五寸東南行漸長至癸亥而滅天文志

英宗天順三年五月壬申大同地震有聲五行志

憲宗成化二年六月丁未歲星守昴三年五月壬辰太白

犯畢十二年三月壬戌辰星犯昴十七年三月庚辰熒

惑犯昴天文志

孝宗宏治七年二月辛未太白犯昴天文志十四年四月辛

未應州黑風大作五行志十五年二月甲寅太白犯昴天文志

志十月甲子應州山陰地俱震聲如雷五行志

大同府志 卷之五 祥異 五

武宗正德三年二月己丑大同暴風屋瓦飛動三日而止

八年大同縣旱九年十月大同府應州山陰縣俱地震

行聲十一年大同旱五行志十二年九月陽和雨雹星隕

大同大將軍砲白鳴十四年大同陽和饑十七年大同

陽和靈邱饑舊志

世宗嘉靖二年大同旱赤地千里是年五月丁丑大同前

衛雨雹四年四月丁未大同衛雨雹是年大同衛饑五

年六月丁巳大同縣雨冰雹大如雞子五行志十五年七

月大同陽和靈邱廣靈蝗飛蔽空傷稼十六年六月大

同陽和廣靈黑眚見二十六年六月大同隕霜殺稼陽和

應州饑二十三年大同陽和雨雹靈邱大水廣靈饑舊志

二十七年七月大同右衛馬祿女年十七化爲男子五行

志大同左衛女子吳拾化爲丈夫舊志十一月甲申熒惑

自畢退行至胃天文志是年大同大稔舊志三十一年大同

鎮饑人相食五行志三十八年夏山陰縣新畱村平地湧

泉產魚舊志六月大同後衛生豕兩頭四眼四耳四十年

六月壬午大同地震五行志

穆宗隆慶二年山陰風霾蔽日守陴刀仗俱迸火光舊志四

年四月辛酉大同雨雹厚三尺餘大如卵禾苗盡傷五行

志

大同府志

卷之三 祥異

去

神宗萬歷二年山陰水三年六月大同水五年廣靈白虹

晝見八年秋七月大同靈邱大疫懷仁水舊志九年四月

已酉大同鎮堡各州縣同時地震有聲五行志十年二月

大同地震十一年三月廣靈地震壺流河竭十二年五

月山陰地震十三年二月大同風霾舊志三月戊寅山陰

縣地震旬有五日乃止五行志五月廣靈旱七月大同府

譙樓鴟吻青氣凌空十六年山陰雨雹大如雞卵歲祲

十八年宣寧府脊瓦螭獸吐火尺許踰時始息二十三

年山陰大雪二十六年六月山陰大風拔木九月九日

大同神機庫自崩聲如巨雷煙霧蔽空磚石飛擊數十

里外守軍震死并傷附近居民甚眾二十八年五月大

同靈邱旱二十九年廣靈大饑三十一年十二月山陰

有大星墜於城東北舊志三十四年二月甲子太白犯昴

天文志三十五年九月山陰有火降自空中燔屋舍五十

餘間三十八年四月大同屬縣旱饑九月疫癘多喉痺

一二日輒死四十五年二月望日山陰見白氣經天舊志

四十六年大同民婦一產四男五行志九月廣靈地震舊志

熹宗天啟二年十一月廣靈天鼓鳴星隕舊志六年六月丙

子大同地震數十死傷慘甚靈邱晝夜數震月餘方止

城郭廬舍並摧壓死人無算五行志九月靈邱猛虎傷

大同府志 卷之三十五 祥異

人舊志

莊烈帝崇正元年秋廣靈山陰隕霜損稼二年渾源廣靈

饑七年靈邱太白山有一角獸狀若貔貅無毛而色赤

時飲滹河旋入山人莫能名八年渾源恒山大風拔木

摧折滿山壑十二年四月廣靈大雪舊志十四年大同郡

縣旱五行志十六年九月應州樹再花渾源疫舊志

國朝

順治元年冬大兵定山西日有五色祥光四年大同蝗

奉

旨賑濟十二年四月靈邱雨雹

康熙十七年十月陽高衙杏李花是年大同應州大稔十八年大同饑天鎮衙雨雹十九年大同天鎮饑廣靈旱奉

旨免夏稅之三二十年大同屬縣饑奉

詔遣使賑濟仍全蠲歷年逋賦并本年地丁錢糧是秋大同陽高大稔二十二年十月靈邱廣靈地震奉

旨賑卹并免次年錢糧三之一二十四年十一月廣靈農家牛生麒麟二十七年冬天鎮無雪三十二年七月陽高水傷禾免本年錢糧之三三十八年陽高水六十年大同屬縣旱奉

大同府志

卷之三

祥異

六

特旨遣左都御史朱軾賫帑散賑仍蠲免錢糧六月大同澍雨民獲補種秋禾大熟

雍正元年廣靈民王嘉師年登百歲奉

詔旌獎是歲大同大有年二年大同應州大稔五年秋禾稔六年七月大同雨雹七年大同大熟八年大同屬縣旱奉

旨蠲免錢糧

乾隆元年大有年六年秋禾大熟七年又大熟十年大同所屬各州縣旱秋禾被災奉

旨撫卹復分別加賑兩月或一月有差十一年懷仁應州山

陰雹奉

旨蠲緩本年地丁錢糧十二年應渾大三州縣被水奉

旨蠲緩錢糧十五年夏四月府屬旱詳奉蠲緩秋無霜晚禾
成十六年山陰雹詳奉蠲緩十七年秋無霜歲稔二十
三年大同縣雹詳奉蠲緩二十四年應州大同懷仁山
陰靈邱豐鎮各屬蚤霜秋禾被災奉

旨蠲緩賑卹有差二十六年欽奉

恩詔將二十四年夏秋被災案內緩徵地丁錢糧蠲免十分
之三乾隆二十一二三三年緩徵地丁錢糧全行蠲免
三十八年三十九年四十年俱大熟

大同府志

卷之三

祥異

九

大同府志卷之三十五終

